



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

LXVII. De vsuris Iudeorum.

**urn:nbn:de:hbz:466:1-15974**

terea cum miles aut clericus domum religionis ingreditur, vel apud religiosos eligit sepulturam, etiamsi nihil loco religioso reliquerit, difficultates ingerunt & malitias, donec aliquid muneris manus contingat eorum. Cum igitur non solum a malo, sed etiam ab omni specie mali sit (secundum Apostolum) abstinentum exactiones huiusmodi penitus inhibemus: quod si quis transgressor extiterit, exacta duplicata restituat, in utilitates locorum, in quorum fuerint soluta dispendium, fideliter conuertenda.

## L X V I.

Ad apostolicam audientiam frequenti relatione peruenit, quod quidam clerci pro exequiis mortuorum, & benedictionibus nubentium, & similibus, pecuniam exigunt & extorquent: &, si forte cupiditati eorum non fuerit satisfactum, impedimenta fictitia fraudulenter opponunt. Econtravero quidam laici laudabilem consuetudinem erga sanctam ecclesiam, pia deuotione fidelium introductam, ex fermento haereticæ prauitatis nituntur infringere sub praetextu canonice pietatis, quapropter & prauas exactiones super his fieri prohibemus, & piis consuetudines præcipimus obseruari, statuentes ut libere conferantur ecclesiastica sacramenta, sed per episcopum loci, veritate cognita, compescantur qui malitiose nituntur laudabilem consuetudinem immutare.

## L X V I I.

Quanto amplius Christiana religio ab exactione compescitur usurarum, tanto grauius super his

Iu-

ANNO CHRISTI 1215. Iudæorum perfidia inolescit, ita quod breui tempore Christianorum exhauriunt facultates. Volentes igitur in hac parte prospicere Christianis, ne a Iudæis immaniter aggrauentur, synodali decreto statuimus, vt si de cetero quocumque prætextu Iudæi a Christianis graues & immoderatas usuras extorserint, Christianorum eis participium subtrahatur, donec de immoderato grauamine satisfecerint competenter. Christiani quoque, si opus fuerit, per censuram ecclesiasticam, appellatione postposita, compellantur ab eorum commerciis abstinere.

Principibus autem iniungimus, vt propter hoc non sint Christianis infesti, sed potius a tanto grauamine Iudæos studeant cohibere.

Ac eadem poena Iudæos decernimus compellendos ad satisfaciendum ecclesiis pro decimis & oblationibus debitibus, quas a Christianis de domibus & possessionibus aliis percipere consueuerant, antequam ad Iudæos quocumque titulo deuenissent, vt sic ecclesiæ conseruentur indemnes.

L X V I I I .

In nonnullis prouinciis a Christianis Iudæos seu Saracenos habitus distinguit diuersitas: sed in quibusdam sic quædam inolevit confusio, vt nulla differentia discernantur. Vnde contingit interdum, quod per errorem Christiani Iudæorum seu Saracenorum, & Iudæi seu Saraceni Christianorum mulieribus commiscentur. Ne igitur tam damnatae commixtionis excessus, per velamentum erroris huiusmodi, excusationis vterius possint ha-

Concil. Tom. 28.

Ee